



Ioannes ex nobili familia à Slampstorff natus fuit. Is cum optimè educatus esset, atq; naturali quadam facundia & prudentia esset præditus, primo præpositus in Hadesleria atque Vursatia creatus fuit, eam functionem summa laude obiuit, atque magnam sapientiæ & bonitatis famam apud omnes finitimos contraxit. Itaque cum Otto Archiepiscopus Bremensis mortuus esset, uicinę urbes & nobilium procures à Collegio Bremensi seriò petiere, ut hic Ioannes præsul designaretur. idq; partim ipsi, partim huius uiri uirtutes consecuti sunt. Quamprimum uerò is Archiepiscopatum administrandum suscepisset, uicinos undiq;

dissentientes sua dexteritate sibi inuicem reconciliauit, atq; pacem in circumiacente regione confirmauit. Rarò enim dissidentibus interuenit, quos non pacaret. Erat insuper omnibus humanus & affabilis, ita ut omnes suos cognatos appellaret. hinc factum ut ad infimę sortis homines uocatus compareret, atque cum ijs cibum sumeret. Postea tamen cum urbe Bremensi atq; comitibus de Aldenburck bellum agere coactus, egregiè uicit, atq; summa prudentia composuit. Vnde magnam nominis existimationem obtinuit, anno circiter 1420.